

續  
文  
獻  
通  
考

續文獻通考卷之一百九十八

皇明進士雲間王圻纂輯

道統考 總圖 傳經圖說 總論 肇統列聖

道統總圖

皋陶 伊尹 太公望

伏羲 神農 黃帝 堯 舜 禹 湯 文王 武王

萊朱 散宜生

曾子

程子

武王—周公—孔子—子思—孟子—周子

顏子

程子

呂原明 呂好問 某 呂祖謙 徐僑

胡憲 魏掞之

譙定

劉勉之

邵子

謝顯道

朱子發

張敬夫

程子

楊中立

胡仁仲

李愿中

朱子

張子

羅仲素

陸子 楊簡

趙復  
許衡

輔廣  
魏了翁

杜曄  
杜範  
車若水  
黃超然

朱子  
黃幹  
何基  
王柏  
金履祥  
許謙

蔡元定  
蔡沉  
蔡抗

真德秀

傳經圖說

周易孔子—商瞿—馯臂—矯疵—周堅—孫虞—田何

姚平

焦延壽—京房—殷嘉

孟喜—翟牧—乘弘

孟但—白光

卽黑成—趙賓—戴崇

丁寬—田王孫—施讎—張禹—彭宣

周王孫—魯伯—毛莫如

田何—王同—楊何—邴丹

服生—衡咸

周霸—五鹿充宗—士孫

衡胡—梁丘賀—梁丘臨—王駿—鄧彭祖

易更三聖謂伏羲文王孔子世歷三古謂伏羲爲上古文  
王爲中古孔子爲下古而商瞿者孔門七十弟子列也  
授經爲真其傳自魯燕東武以至于齊田何何故齊王  
族也漢初例徙關中于是易入中朝自何以上源出於  
一自何以下流分爲四而施孟梁京之學立矣房或云  
楊何弟子或云受易焦延壽或云房門人爲梁丘賀然  
房之學大抵從焦焦嘗從孟喜孟氏四家之外又有高  
費二家之學高相授毋將永費直授王璜皆無師傳專  
言災異相自言出于丁寬石渠之議梁丘得立博士光  
武初始立四家博士戴賀劉昆爲施氏注丹安任雛陽  
鴻爲孟氏范升楊政張興爲梁丘氏戴憑隗滿孫期爲



京氏劉向以中古文易經校施孟梁丘經或脫去無咎  
悔亡惟費氏經與古文同其後又有馬融荀爽鄭玄劉  
表虞翻陸續王弼之屬漢志易有十三家唐七十六家  
宋一百四十家皆周易也連山易已亡周劉炫作偽易  
十卷歸藏易十三篇隋時始出僅存三篇皆無師傳  
皇明惟朱子本義列于學官而 成祖命儒臣纂脩易  
經大全行于世

尚書伏生

歐陽和伯 倪寬 歐陽生 某

歐陽高

張生 夏侯都尉 夏侯昌 夏侯勝

歐陽高

某

歐陽地餘

歐陽政

林尊

平常

鮑宜

陳翁生

殷崇

龔勝

歐陽欽

禮震

曹魯

曹祉

陳弇  
丁鴻

夏侯勝

周堪

許商

唐林

煥欽

夏侯建

張山拊

鄭寬中

趙玄

假蒼

秦恭

馮賓

李尋

張無故

唐尊

牟卿

王吉

吳章

孔霸

孔光

書纂自孔子上斷于堯下訖于秦秦燔書禁學濟南伏生  
獨壁藏之漢興亡失求得二十九篇以教齊魯之間訖  
孝宣世有歐陽大小夏侯氏立于學官然歐陽氏八世  
傳業至光武時歛學大行門生千人又爲司徒封侯其  
書亦遂立爲博士東京牟長宋登桓榮爲歐陽氏牟融  
張訓爲大夏侯氏王良爲小夏侯氏其後三家皆亡于  
永嘉之亂而古文之書始行于六朝伏書二十八篇孔  
書五十八篇朱子曰熹嘗疑孔書是假書漢志尚書孔  
家唐志二十五家宋志四十三家 皇明惟尚書蔡沉  
註列于學官而 成祖命儒臣纂修書經大全行于世

古文尚書孔安國—都尉朝—庸譚—胡常—徐敖

王璜

塗惲

桑欽

古文尚書者出孔子壁中漢武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也共王徃入其宅聞鼓琴瑟鐘磬之音于是懼乃止孔安國得其書獻之劉向以中古文校歐陽大小夏侯三家經文酒誥脫簡一召誥脫簡二文字異者七百餘脫字數十惜其晚出不獲列于學官東京杜林最好之賈逵馬融鄭玄之屬爲作訓解然石經卒從伏氏晉鄭冲又好之以授蘇愉愉授梁柳柳授臧曹曹授梅頤爲豫章內史上其書而有缺典至隋始備蔡大寶劉炫之屬皆宗之而孔學大行然姚方興所上舜典多二十八字識者終不能無疑焉西漢又有東萊書百二篇

黜爲僞書平當周敞皆經師共勸留之不能得二子之  
留豈非以中書所校者乃伏氏之書不可盡據歟然其  
篇目有九恭典寶原命肆命與書序相照豈亦有可留  
者不得以樊並之故而廢之宋元豐中唐州民家得三  
墳書晁公武云亦僞書



新文廣通方

齊詩 轅固生 夏侯始昌 后倉 匡衡 滿昌 張邛

翼奉 師丹 皮容

蕭望之 伏理

闕門慶忌

趙綰

主臧

帝賞

魯詩 浮丘伯 申公

瑕丘江公 帝賢 帝玄成

唐長賓

徐公

王式

張長安

孔安國

褚少孫

薛廣德

張長安—張遊卿—許晏

主扶

薛廣德—龔舍

賁生

韓詩—韓嬰

趙子—蔡詎

食子公—栗豐—張就

王吉—長孫順—髮福

毛詩——卜子夏——申公——毛亨——毛萇——貫長卿

貫長卿——解延年——徐敖——陳俠

古有采詩之官王者所以觀風俗知得失自考正也孔子  
純取周詩上采殷下取魯凡三百五篇遭秦而全者以  
其諷誦不獨在竹帛故也漢世言詩者四家齊轅固生  
傳伏恭任末爲齊詩魯申公傳包咸高詡魏應爲魯詩  
燕韓嬰傳薛漢召馴澹臺敬伯爲韓詩荀卿授魯國毛  
亨毛萇傳謝曼卿衛宏賈逵鄭衆馬融鄭玄爲毛詩宏  
作小序時人謂亨爲大毛公萇爲小毛公齊魯韓三家  
並立于學官毛詩至漢平始得立齊詩亡於曹衛魯詩  
亡于西晉韓詩內傳亡于隋三詩旣亡而毛傳獨行蓋  
大毛公之詩得之申公申公得之子夏其說多合于金  
滕儀禮國語孟子諸書自漢晉以至唐宋皆用其說至

鄭樵作毛詩辨妄始以己意解之朱子集註乃多主鄭  
玄鄭玄有詩譜歐陽公有詩圖皆爲十四國世次而作  
漢志詩六家唐志二十五家宋志五十三家 皇明設  
學造士專主朱子集傳而諸家之學止備參考 成祖  
命儒臣纂修詩經大全行于世

公羊傳

卜子夏 公羊高 公羊平 公羊地 公羊敢

公羊壽

公羊詩

貢禹——棠谿惠——冥都

嚴彭祖——主仲——東門雲

公孫文

董仲舒

褚太

主彥——劉向——左咸

胡毋子都

麤公——睦孟——顏安樂——冷豐——馬宮

段仲溫

任公

呂步舒——孟卿——踈廣——筦路——孫寶

公孫弘

左傳

左丘明 魯申 吳起 吳期 鐸椒 虞卿

孫卿 張倉 賈誼 貫公 張禹 尹更始

程方進

尹更始 尹咸 劉歆

胡常 賈護 陳欽 王莽



穀梁傳 子夏 穀梁赤 孫卿 申公 瑕丘江公

丁姓 申章

榮廣 周慶

瑕丘江公

子 孫 胡常 蕭策

皓星公 蔡千秋 尹更始 尹咸

翟方進

劉向

房鳳

古之王者世有史官君舉必書所以慎言行昭法戒也左  
史記言右史記事事爲春秋言爲尚書周室旣微載籍  
殘缺仲尼思存前聖之業以魯周公之國史官有法又  
使子夏等十四人求周史記得百二十國寶書與左丘  
明視行事仍人道因興以立功就敗以成罰假日月以  
定歷數籍朝聘以正禮樂作爲春秋又以書義有所褒  
貶貶損不可顯書口授弟子弟子退而異言丘明恐人  
執所見以失其實因擬時事而作傳明夫子不以空言  
說經也及末世口說流行故有公羊穀梁鄒夾之傳四  
家之中惟公羊穀梁立于學官余讀子夏喪服傳乃知  
公穀之文有所本焉三傳之行公羊獨盛蓋董仲舒公

孫弘以春秋顯其後顏嚴二氏之學益廣武帝爲之別立顏嚴二博士唐玄宗所謂學開五傳者也穀梁之傳甚寡惟戾太子好之宣帝爲立博士亦故劒之意也卒不著東漢謝詠穎容爲左氏張玄爲顏氏丁恭周澤爲嚴氏又有李育何休盛推公羊爲作墨守而穀梁寢微矣歷漢魏西晉至南渡始得范武子漢志春秋二十三家唐志六十六家宋志一百二十九家 皇明惟春秋胡安國傳列于學官而 成祖命儒臣纂修春秋大全行于世

禮

高堂生

徐生  
徐襄  
徐延

公戶滿

桓生

單次

聞人通漢  
方梁

楊榮

戴聖  
橋仁

蕭奮  
孟卿  
后倉  
戴德  
徐良

簡仁卿  
慶普  
慶咸

夏侯敬

帝王質文世有損益至周曲爲之防事爲之制周衰諸侯將踰法度惡其害已滅去其籍漢興魯高堂生傳士禮十七篇蓋千室官之世后倉最明戴德戴聖慶普皆其弟子三家立于學官禮古經出于魯淹中高堂生蕭奮孟卿后倉二戴所傳儀禮也戴德傳記八十五篇大戴禮也戴聖傳禮四十九篇今禮記也西漢慶氏與二戴並行東漢止立二戴博士後惟曹褒父子宗慶氏學漢末鄭玄好小戴記爲之注通儀禮周官爲三禮云漢志禮十三家唐志六十九家宋志六十四家樂記雜于禮記中凡六家漢興制氏以雅樂聲律世在樂官頗能記其鏗鏘鼓舞而不能言其義武帝時河間獻

王好儒與毛生等共采周官及諸子言樂事者以作樂  
記與制氏不相遠 皇明惟陳澔禮記註列于學官而  
成祖命儒臣纂修禮記大全行于世

川禮  
劉向  
劉歆  
杜子春

鄭興  
鄭眾

賈逵  
馬融  
鄭玄

秦用商鞅法政尚酷烈與周官相反故搜禁焚燒獨慘至  
漢孝武開獻書之路是書雖出入于秘府五家之儒莫  
得而見故不立博士成帝詔劉向校錄經傳子歆繼之  
知周禮爲周公致太平之迹始得列序著于錄畧而里  
人河南綏氏杜子春年且九十能通其說鄭興與子衆  
及賈逵往受業焉由是議郎衛次仲南郡太守馬季良  
皆習周禮解詁乃林孝存曰武帝知周官末世贊亂不  
驗之書故作十論七難以排棄之何休亦以爲六國陰  
謀之書唯鄭玄徧覽群經以爲經世大法且載周禮故  
能荅林碩之論綱羅衆家爲之條註陸德明爲之釋文  
唐賈公彥爲之疏而後周禮大行于世



翼奉

江翁

孝經  
顏芝  
顏貞  
長孫氏

后倉

張禹

按孝經自魯恭王得之孔壁皆蝌蚪書人無識者孔安國以今文考定書之竹簡唐玄宗自註詔元澹為疏

干學官有顏經十八章孔安國傳二十二章劉向從顏氏

王吉

張禹

王卿

齊論語

二十二篇有問王知道二篇

庸譚

帝賢

帝玄成

魚...語

二十篇

夏侯勝

蕭望之

夏侯建

張禹

古...語

二十一篇今...張禹爲二篇

孔安國

扶卿

續文獻通考

卷之二百九十八

十七

三百五十七京

按王充云武帝得論語于孔壁中皆名曰傳孔安國以古  
論教晉人扶卿始曰論語漢安昌侯張禹受魯論于夏  
侯建又從王吉受齊論擇善而從號曰張侯論禹以授  
成帝後漢包咸周氏並爲章句列于學官古論惟孔安  
國爲之訓解而世不傳漢末鄭玄以張侯論爲本參考  
齊論古論而爲之注魏何晏又爲集解梁陳時惟鄭何  
立其門學 皇明惟朱氏論語集註列于學官而 成  
祖命儒臣纂修論語大全行于世

大學

戴聖

程頤

朱熹

中庸

程頤

學庸二書漢小戴輯入禮記四十九篇之中孝宣立小戴  
禮而二書已列于學官至宋二程氏又表章之宋孝宗  
淳熙中朱熹既集註論孟又取大學中庸爲之章句或  
問通稱爲四書寧宗嘉定四年國子司業劉燦奏刊朱  
子四書于太學由是四書之傳大行于世 皇明亦惟  
朱子學庸章句列于學官與 成祖命儒臣纂修大學  
中庸大全並行

續文獻通考

卷之二百九十八

六

二百九十八

陸善經註七

孟子

趙岐

註十

孫奭

疏

丁公著

孟子前史皆在儒家趙岐陸善經爲之註張鎰丁公著爲之音釋至宋治列于經而孫奭爲之疏孟子有外書四篇性善辯文說孝經爲政趙岐云僞書也漢文帝嘗置孟子博士其後王充馮休李遵司馬公林慎思鄭原叔之徒與孟子異者凡六家故世儒又有異孟尊孟書皇明惟朱子所註孟子書列于學官而成祖命儒臣纂修孟子大全行于世

爾雅——周公——孔子——上子夏——叔孫通——梁文

郭璞

樊光

劉歆

孫炎

爾雅舊附孝經六書爲小學之書厯經籍志以附論語類  
至唐陸德明始以爲周公之書列于經趙岐云孝文嘗  
立爾雅博士然史漢無徵焉嘗考之前代小學十家古  
者八歲入小學故保氏掌教國子教之六書謂象形指  
事會意諧聲轉注假借造字之本也漢興蕭何草律亦  
著其法曰太史試學以六體試之六體者古文奇字篆  
書隸書繆篆蟲書皆所以知古今文字摹印章書幡信  
也古制書必同文不知則闕問諸故老至于衰世是非  
無証人用其私 皇明太祖輯洪武正韻一書頒行天  
下令科試行移一以是書爲準

# 道統總論

天下不可一日而無此道則斯道之統不可一日而無傳  
統之絕續道之存亡係焉然上無表章之主則無以綱  
羅放失下無師承之士則無以闡發幽秘是人又統之  
所賴以不墜也者故伏羲軒轅堯舜相繼御寓而萬世  
道學之統始開見而知此者爲禹皋陶爲伊萊呂散聞  
而知此者爲成湯文武周公維時斯道大明如日中天  
而統系之傳莫或有奸之者自姬室陵夷諸侯竊命邪  
說橫流統之不絕者僅如綫耳孔子憫王政之廢缺論  
次詩書脩明禮樂作春秋垂萬世而統歸洙泗矣七十  
子之徒遵其教以遊列國如子思之居衛子張之居陳



子游之居吳子夏之居西河而田子方段干木之屬皆受業於子夏雖其人賢不肖殊科而其衍洙泗之統則一也厥顯之際孫吳蘇張各立門戶聖代遺言幾于絕響孟軻氏授曾子子思之傳濶色孔子之業以表于戰國然淹中稷下八儒三墨漆園忝谷名法兵農之流爭鳴輩出而道統幾爲天下裂迨至嬴秦焚坑並作而六藝始蕩然矣猶幸斯文未喪于天而山岩屋壁之藏尚存十一也漢惠帝除挾書律而後殘編斷簡稍稍問出武帝表章于前學士景從風嚮而昭宣元繼之增置博士設甲乙丙三科以招延弟子業一經者位皆至通顯而儒術始大行于世更始以降典籍散亡又道統之一

厄也光武中興首訪儒雅採求闕逸而後四方學士抱  
負墳策雲集京師立五經博士各以家法教授明帝臨  
雍執經問難建初中大會諸儒于白虎觀肅宗稱制裁  
決如石渠故事靈之不君猶能詔諸儒正定經書刻石  
學門逮董卓移都而辟雍東觀蘭臺石室宣明鴻都所  
藏散佚幾半王允收其餘賸載之以西猶盈七十餘車  
尋遭長安之亂殘缺殆盡特少嬴秦之燔耳三國紛爭  
詩書絕講雖有王肅孫叔然輩勦獵陳言互相論駁第  
少延漢儒之一脉耳魏晉六朝風斯頽矣背闕里之典  
章逐玄虛之陋習運否道消可爲長嘆時則有范平文  
立徐邈范宣諸賢並崇經學差強人意至南北分裂之

日君臣習于戰鬪士庶怠于橫經雖魏文梁武頗號知  
儒黃初建安天監中開館設學射策明經崔嚴何伏之  
徒前後互見斯亦燭火之餘光也隋文受禪嚮意儒林  
所辟元善何妥劉炫劉焯房暉遠輩爭鳴于朝王仲淹  
輩教授于鄉質疑受業後進亦有賴焉晉陽啓祚文治  
蔚興太宗偃武脩文開館招延惇師秀艾負素畢至讎  
正五經創立義疏貞觀開元之盛庶幾有功于教化祿  
山之亂官緇私楮表脫良多文宗用張參等是正訛漏  
然去貞開遠矣後之譚道統者惟知漢人羽翼聖經而  
不知隋唐以來如陸元朗顏師古孔穎達褚無量諸人  
恪守師門討析經義闡明聖蘊俾斯文之統不遂斬絕

以俟宋室諸君子其功可盡民哉唐末五代藻翰之士  
非不間作于吾道之絕續奚賴焉宋朝中葉文運肇興  
春陵周敦頤氏得聖賢傳心之秘而河南二程兄弟及  
門受業益充擴其所未發迄于南渡新安朱考亭氏者  
出接程氏之正傳而二氏門人各以其學互相發明然  
後孔孟遺言煥然復明于斯世元以蒙古部入主華夏  
猶知崇重聖道而吳澄許衡諸賢力排異議其源流並  
有端緒固不得以出處之際而槩少之也

皇明御極變夷爲華

太祖投戈講藝朝夕不倦設科取士一以程朱爲正的  
成祖輯五經性理大全以開群蒙

宣宗著五倫全書以詔來學

世宗闡敬一微言以上接乎堯舜之傳蓋自

列聖以及

今上靡匪尊儒重道幸學開延而黜百家崇六典詔

重脩十三經註疏及二十一史以收菁莪樸棧之効一

時雲蒸霧合之士非周公孔子之道不道非漁洛關閩

之學弗學如薛文清陳白沙陳剩夫胡敬齋羅一峰陳

克庵諸先生其著述其講論其經濟皆粹然一出于正

千百年斯道之統非斯人吾誰與歸先達諸公嘗著道

學傳及理學名臣錄庶幾備矣而源委未詳姓氏脫畧

觀者不能無遺恨故裒其世次之畧採其統緒之全別

爲道統一考附帝系考之後庶治教二統咸有所證據而不至泯沒無稽云

肇統列聖

太昊伏羲氏又曰庖犧氏皇雄氏亦曰天皇燧人氏之子  
母曰華胥履大人跡于雷澤而孕因風而生故爲風姓  
生于成紀都于陳繼天而王爲百王先德合上下天應  
以鳥獸文章地應以河圖洛書仰觀俯察中觀物宜始  
作書契畫八卦象法乾坤以正君臣父子夫婦之義制  
嫁娶作律法定五行造甲歷日月歲時自此而生疏導  
泉源析民田里分九州之牧而天下化洽修身理性反  
其天真而樂音自此而興實萬世道學之祖

炎帝神農氏起于列山曰烈山氏亦曰連山氏曰大庭氏  
曰魁隗氏亦曰人皇少典之元子其母曰女登感神龍  
之祥而生長于姜水故爲姜姓以火德王故爲炎帝初  
都于陳後徙魯始作耒耜教民藝五穀故曰神農畫八  
卦首艮作連山之易蓋繼伏羲而衍道學之統者

黃帝軒轅氏亦曰有熊氏帝鴻氏歸藏氏亦曰地皇少典  
娶于有蟠氏孕二十四月而生帝于壽丘本姓公孫以  
長于姬水故改姬姓都于有熊帝生而神靈代神農爲  
天子始制法度正名百物迎日推策演八卦作易名曰  
坤乾又受河圖見日月星辰之象遂有星官之書又造  
書契調鍾律紀歷數命倉頡爲史官制文字衣服冕旒

舟車宮室弧矢之利靡不畢具鳳凰來巢麒麟遊囿  
夷之人罔不來享寔開百代文明之運

帝堯陶唐氏帝嚳之子摯之弟也名曰放勳姓伊祁初封  
于陶後改爲唐侯遷晉陽摯以荒淫見廢諸侯尊堯爲  
天子都平陽其德政具載典謨而以天下授舜首闡執  
中之訓後世道學淵源實本于此

帝舜有虞氏曰重華幼握登生于姚墟故姓姚及受堯禪  
都蒲阪齊七政覲四岳肇十有二州封山濬川分任禹  
皋陶稷契伯夷夔龍垂益彭祖以亮天工師紀后拜蒲  
衣親善卷學于務成招天下明德自虞始後以天下禪  
禹申明精一執中之旨是又發帝堯所未發



夏后氏禹姁姓毋有莘氏女修己生于石紐長于西羗卽  
位都于亳聲律身度克勤克儉治水成功天下宗爲山  
川鬼神主而拜昌言惡青酒祇台德先無非欲存此心  
以上繼堯舜之統至神龜出洛天錫以洪範九疇乃知  
宛委之金簡玉文殆非盡出于傅會

商王湯名履亦曰成湯亦曰天乙主癸之子廟號烈祖始  
封于商遷于亳亳有澱水故亦謂之殷天錫勇智表正  
萬邦伐夏受命寬仁彰信昭德建中以禮義爲制事制  
心之要真帝王傳心大法也作歸藏易以坤爲首

周文王昌襲公季爲西伯遷於豐遵后稷公劉之業則古  
公公季之法篤仁優老慈少禮賢日中不暇食以待士

士多歸之紂用崇侯虎諧囚于羑里寃明易道演八卦  
爲六十四重易六爻作上下篇信誼行于諸侯終守臣  
節是時五星聚房赤雀啣書止于屋又有黃龍玄龜白  
魚負圖之應

周武王名發文王仲子也伐紂踐祚三日用師尚父丹書  
言留心敬怠義欲之辨作銘書于籍几鑑盥盤楹杖帶  
履觴豆戶牖劔弓矛以自警卡有三祀訪箕子陳洪範  
以敘彝倫蓋能修文王之業以上承列聖者

周公旦武王弟也旦爲子仁孝異于群子佐武王伐紂作  
牧誓武王有疾作策告先王願以身代藏策金縢匱中  
成王立旦攝政負扆以朝諸侯召公疑之欲引去作君

堯避流言居東作鵙鶚之詩以貽王時暴風雷雨偃禾  
拔木王啓金縢感泣迎公天乃雨反風禾盡起管蔡武  
庚叛公作大誥誅管叔殺武庚放蔡叔三年而定作立  
政作多方董正治官制禮作樂作周官布衣之士公所  
贊而師者十人所友見者十二人窮巷白屋先見者四  
十九人進善百人教士千人官朝者萬人召公營洛邑  
作召誥洛誥王既遷殷遺民公以王命作多士分正東  
都作祭仲之命在豐作無逸篇中所言無非援引古先  
哲王之心法治法蓋不獨近兼三王寔遠紹乎二帝者  
也

孔子名丘字仲尼微子之後故爲宋人叔梁紇其父也紇

祖防叔避華督之難奔魯魯襄公二十二年生孔子于魯昌平鄉年少好禮有聖人之表河目而龍顏修肱而龜背長九尺六寸言必稱先王躬履謙讓洽聞疆記仕魯爲小吏見郯子而問官問禮學琴于師襄適齊訪樂于萇弘適周問禮于老聃魯國僭亂離于正道遂不仕退而修詩書禮樂遠方莫不受業後在魯爲中都宰爲司空爲大司寇攝朝政設法而不用無姦民已而適衛適宋適陳適曹適鄭皆不合還息鄆鄉作鄆操尋又之宋之衛之齊之楚而歸魯終不求仕乃追述三代之禮序書傳上紀唐虞下至秦繆編次其事古詩三千餘篇夫子去其重取可施于禮義凡三百五篇皆弦歌之以

求合韶武雅頌之音禮樂自此可述晚喜易作彖象繫  
辭文言序卦之屬讀之韋編三絕以六藝教弟子三千  
而通者七十二人魯哀公春狩獲麟夫子泣曰吾道窮  
矣乃因史記作春秋舉十二公行事繩之以文武之道  
成一王之法七十三歲而歿蓋哀公十六年四月乙丑  
也

按孔子卒後七十子之徒散游諸侯大者爲師傅卿相  
小者友教士大夫或隱而不見故子路居衛子張居陳  
澹臺子羽居楚子夏居西河子夏終于齊如田子方段  
干木吳起禽滑釐之屬皆受業于子夏之倫爲王者師  
是時獨魏文侯好學陵遲以至于始皇天下並爭儒術

大絀而齊魯之間學者獨不廢則七十二子之功也今姓名事迹畧具于後

繼統列聖

斯道之正統自伏羲以及文武周孔尚矣其歷代表章經術延禮儒紳凡有功于吾道者亦皆收錄以備參考如治統之有閔位君德瑕瑜弗計也

漢武帝卽位趙綰王臧之屬明儒學而上亦嚮之於是招方正賢良文學之士自是言詩則魯申培公齊轅固生燕韓太傅言尚書則濟南伏生言禮則魯高堂生言易則菑川田生言春秋則魯國胡毋生趙董仲舒而公孫弘以春秋白衣爲天子三公封平津侯天下學士靡然

以儒術起家

漢昭帝時舉賢良文學增博士弟子員滿百人宣帝末增倍之元帝好儒能通一經者皆復數年平帝時增元士之子得受業如弟子勿以爲員歲課甲科四十人爲郎中乙科二十人爲太子舍人丙科四十人補文學掌故漢光武雅好經術未及下車先訪儒雅採求闕文四方學士悉抱負墳策雲會京師范升陳元鄭興杜林衛宏劉昆桓榮之徒繼踵而集于是立五經博士各以家法教授易有施孟梁丘京氏尚書歐陽大小夏侯詩齊魯韓毛禮大小戴春秋嚴顏凡十四博士太常差次總領焉漢明帝初建三雍冠通天衣日月備法物之駕盛清道之

儀坐明堂而朝群后登靈臺以望雲物袒割辟雍之上  
尊養三老五更饗射禮畢帝正坐自講諸儒執經問難  
于前冠帶縉紳之人圍橋門而觀聽者蓋億萬計其後  
復爲功臣子孫四姓末屬別立校舍搜選高能以受其  
業自期門羽林之士悉令通孝經章句匈奴亦遣子入  
學濟濟洋洋盛于永平矣建初中大會諸儒于白虎觀  
考詳同異連月乃罷肅宗親臨稱制如石渠故事顧命  
史臣著爲通義又詔高才生受古文尚書毛詩敎梁左  
氏春秋雖不立學官然皆擢高第爲講郎給事近署所  
以網羅遺逸博存衆家孝和亦數幸東觀覽閱書林及  
鄧后稱制學者頗懈時樊準徐防並陳敦學之宜又言



儒職多非其人於是制詔公卿妙簡其選三署郎能通經術者皆得察舉自安帝薄於藝文博士倚席不講靈帝乃詔諸儒正定五經刊於石碑爲古文篆隸三體書法以相叅檢樹之學門使天下咸取則焉初光武遷還洛陽其經牒秘書載至二千餘輒自後三倍于前及董卓移都吏民擾亂辟雍東觀蘭臺石室宣明鴻都諸藏典冊文章競共剖散王允所收而西者纔七十餘乘道路艱遠復棄其半後長安之亂一時焚蕩無復存者

魏道武初定中原便以經說爲先立太學置五經博士生員千有餘人天興二年增國子太學生員至三千人四年春命樂師入學習舞釋菜于先師至明元時改國子

爲中書學立教授博士太武始光三年春起太學于城東後徵名儒高允等而令州郡各舉才學于是人多砥尚儒林轉興文獻天安初詔立鄉學郡置博士助教太和中改中書學爲國子學建明堂辟雍尊三老五更又置皇子之學及遷都洛邑詔立國子太學四門小學孝文篤好墳籍坐輿握轂不忘講道刻芳李彪諸人以經書進崔光邢蠻之徒以文史達其餘涉獵典章閑習詞翰莫不縻以好爵動貽賞眷于是斯文蔚然比隆漢室矣宣武時復詔營國學樹小學于四門大選儒生以爲小學博士員四十人雖蠻宇未立而經術彌顯時天下承平學業大盛故齊燕趙魏之間橫經著錄不可勝數

大者千餘人小者猶數百州舉茂異郡貢孝廉對揚王  
庭每年逾衆神龜正光以後不足觀也

齊神武生於遼朔伏羲建旗因魏氏喪亂爾朱殘酷之後  
文章禮樂銷鏹殆盡永熙中孝武復釋奠于國學又于  
顯陽殿詔祭酒劉焯講孝經黃門李郁說禮記中庸舍  
人盧景宣講大戴禮夏小正篇又置生儒七十二人及  
永熙西遷天平北徙雖庠序之制有所未遑而儒雅之  
道邊形心慮時初遷都于鄴國子置生三十六人至興  
和武定之間儒業復盛矣始天平中范陽盧景裕同從  
兄仲禮起逆齊神武免其罪置之賓館以經教授太原  
公以下及景裕卒又以趙郡李同執繼之二賢並大業

恩遇待以殊禮同軌云亡復徵中山張彫武勃海李鉉  
刁柔中山石曜等並爲諸子師友及天保大寧武平之  
朝亦引進名儒授皇太子諸王經術然自始基暨于季  
世唯濟南之在諸宮性識聰敏頗自砥礪以成其美自  
餘多驕恣違禮絕無聞焉

周文帝雅重經典時西都板蕩先王舊章掃地盡矣文帝  
求闕文于三古得至理于千載黜魏晉之制度復姬旦  
之茂典盧景宣修五禮之缺長孫紹遠正六樂之訛朝  
章漸備學者嚮風及明皇繼歷敦尚學藝內有崇文之  
觀外有成均之職握素懷鈇之士濟濟焉足踰前代矣  
保定三年詔尊太保燕公爲三老帝服袞冕乘碧輅陳

文物備禮容清蹕而臨太學俎割以食之奉觴以醑之  
斯稱一朝盛事其後徵沈重于南荆待熊安生以殊禮  
開賢舍以延學徒雖通儒盛業不逮魏晉之臣而風移  
俗變抑亦近代之美觀也

隋文帝膺期纂歷平一寰宇旌帛招賢好爵縻士四海尤  
州強學待問之士靡不畢集乃整萬乘率百僚遵問道  
之儀觀釋奠之禮博士整懸河之辯侍中竭重席之與  
考正云逸研覈異同積滯群疑渙然氷釋于是超擢奇  
簡厚賞諸儒京邑達乎四方皆啓黌校齊魯趙魏學者  
尤多負及追師不遠千里講誦之聲道路不絕中州之  
盛自漢魏以來一時而已及帝暮年精華少竭不悅儒

術專尚刑名執政之徒咸非篤好蓋仁壽間遂廢天下之學唯存國子一所弟子七十二人迨煬帝卽位復開庠序國子郡縣之學開皇初徵辟儒生遠近畢至相與講論得失于東都之下舊儒雖已凋亡而信都劉士元河間劉光伯學通南北博極今古後生瞻仰所製諸經議疏縉紳咸師宗之旣而四夷戎馬師徒怠散空有建學之名而無弘道之實其風漸墜以至滅亡

梁武帝創業深愍晉儒之弊天監四年詔開五館建立國學總以五經教授置五經博士各一人于是以平原明山賓吳郡陸璉吳興沈峻建平嚴植之會稽賀陽補博士各主一館館有數百生給其餼廩其射策通明經者

卽除爲吏又選學生遣就會稽雲門山受業于廬江何胤分遣博士祭酒到州郡立學又詔皇太子宗室王侯始就學受業武帝親屈車駕釋奠于先師先聖申之以詔語賚之以束帛庶幾大道之行也

唐太宗身披綵韉銳情經術卽王府開文學館召名儒爲學士與議天下事旣卽位殿左置弘文館悉引內學士番宿更休聽朝之間則與討古今治道前王所以成敗或日晏夜艾未嘗少怠貞觀六年詔罷周公祠更以孔子爲先聖顏氏爲先師盡召天下惇師耆德以爲學官數臨幸觀釋菜命祭酒博士講論經義賜以束帛諸生能通一經者得署吏廣學舍千一百區三學益生員并

置書第一學皆有博士自元武屯營飛騎皆給博士  
經能通一經者聽入貢限四方秀艾挾策全集文治  
興于是新羅高昌百濟吐蕃高麗等郡酋長並遣子  
入學鼓箠踵堂者凡八千餘人史稱三代之盛不是過  
也帝又讎正五經繆缺頒示諸學與諸儒校章句爲義  
疏俾久其傳因詔前代通儒梁皇侃褚仲都周熊安生  
沈重陳沈文阿周弘正張譏隋何妥劉炫等之孫並加  
引擢二十六年詔左丘明卜子夏公羊高穀梁赤伏勝  
高堂生戴聖毛萇孔安國劉向鄭眾杜子春馬融盧植  
鄭元服虔何休王肅王弼杜預范甯二十一人用其書  
行其道咸有以褒大之配享孔子廟庭唐三百年之治



稱貞觀其然哉

唐玄宗詔群臣及府郡舉通經士而褚無量馬懷素等勸講禁中天子尊禮不敢盡臣之置集賢院部分典籍乾元殿傳彙群書至六萬卷經籍大備又稱開元馬祿山之禍兩京所藏喪脫幾盡章甫之徒劫爲縵胡于是嗣帝區區救亂之未遑安暇語貞觀開元事哉雖楊綰鄭餘慶鄭覃等以大儒輔政議優學科亦文辭之末耳至文宗校定五經鏡之貞石命張昉等是正訛文寥寥一二可紀而斯道之系誰能續之

宋真宗邸第授經遊心翰墨以磨符稽古之主當五星聚奎之運真儒始出得不傳之學于遺經帝親幸曲阜加

謹周孔詔譴非聖之書博選明經之士開崇文院以資講讀復六科以羅俊乂而百年將絕未絕之統由此源其源矣

宋仁宗明道初年卽開經筵用孫奭馮元等講論語又開通英延義二閣寫尚書無逸篇于屏處中詔建學興善數幸國學始封孔子後爲衍聖公且又表章學庸爲正學倡與語孟並行于世雖濂洛諸君子以闢邪衛正爲已任而作率興起以畢真宗之志者仁宗之功亦足尚也

宋高宗建炎初年播遷之際卽詔勿罷經筵夙夜經史講求疑義追贈程頤以明示學者之趨向論士大夫宜以

孔孟爲師遣使求遺書于天下又以機務餘閒作文宣王贊復贊七十二賢以廣列聖崇儒右文之典其于正學亦庶幾焉

宋孝宗系出藝祖聰明剛毅爲南渡諸帝稱首萬幾之暇取尚書所載敬天事作爲兩圖朝夕觀覽以自警省而致孝太皇力行三年之制則又千載一人而已

宋理宗崇尚經術登進賢哲淳祐元年之詔以周惇頤張載程顥程頤深探聖域千載絕學始有指歸中興以來又得朱熹精思明辨使大學論孟中庸之書本末洞徹孔子之道益以大明于世又令學官列諸從祀罷王安石配享製道統十三贊以示諸生親書朱熹白鹿洞學

規以賜國學一時山林理學之士如林易之陳藻林公  
遇何基徐幾並見褒錄至訓儲官有曰平日所謂脩身  
齊家當真實踐履勿爲口耳之學殆有合于聖門授受  
之微意惡可因其任用匪人而遂病其爲崇儒講藝之  
虛名也

皇明

太祖定鼎金陵卽召儒士許元葉瓚玉胡翰汪仲山等  
會食中書進講經筵王宗顯知寧越府首命開郡學  
延葉儀宋濂爲五經師戴良爲學正吳沉徐原爲訓導  
而學校始聞弦誦之聲二年闢禮賢館以處劉基宋濂  
章溢葉琛賜坐講經史尋以濂提舉江西儒學遣

世子受經丙午 命有司訪求古今書籍藏之 秘府  
以資覽閱江浙甫定卽 命天下郡縣皆立學教授生  
徒講論聖道四年 詔孔克表等釋四書五經名群經  
類要以開群蒙十五年 幸國學釋菜 御講筵親說  
禹臯陶謨洪範大旨自是或 御謹身或 御華蓋輒  
講人心道心倚伏之機晚歲 訓群臣微引古道出言  
成文動協典謨百年垂絕之統我 聖祖始續之矣  
成祖靖難初年首 諭解縉等採輯經史子集等帙類成  
一書以便考索鄱陽朱季支進書謗毀聖賢卽 命司  
府校百悉焚其家著述解縉講大學正心章則 諭以  
退朝默坐嘗思管束此心因北京儒士武闕文論易則

語以易道在變通不失其正示胡廣以聖學心法而申明執中建極之旨五經四書傳註之外復令胡廣楊榮金幼孜等採取周程張朱諸君子性理之言增附其下以爲大全頒布天下作爲程式真善繼太祖之志而述其事以昭垂後裔者也

仁宗孝友天植尤雅尚儒術勤于問學諸經無不研究而尤熟于書嘗曰爲治不出此書雖或小康皆苟道已於春秋曰先王禮壞是書所由作也卜筮不用俗占法必取正于易爻彖象及程朱之說信之甚篤王汝玉嘗言爲詩有法上曰三百篇何所法哉其明敏穎悟類若此初在東宮無他嗜好惟蓄經籍手不釋卷被服寬

博亦類儒者嘗命刻真德秀大學衍義賜諸子曰  
爲人上不可不知此書雖在位僅十越月而一言一動  
靡弗求合于墳典

宣宗崇尚經術留心儒教先在邸第大寒大暑不廢書  
冊及其卽位因儒臣進講易觀大象而悟帝王巡狩之  
禮以御書洪範及御製序示輔臣語意甚得古人  
之精蘊雖在位僅數年而惓惓以崇文講學爲急務

英宗曉朝慈極日御經筵初頒五倫全書以作士行  
繼率武臣幸學聰講五經以廣聖教聘處士吳與弼  
以弘儒術復辟之後益加慎畏古聖賢敬天勤民之統  
此爲得之

憲宗二十四載無日不開講筵而闡經義 命儒臣梓朱熹通鑑綱目以明正統却侍郎周弘謨疑辯錄以絕紛更經義之弊且輯文華大訓以教元良蓋 帝王之學識其大者

孝宗涵養充實默契聖真在 憲宗時進學脩德無少暇逸嗣 位後知 永樂大典貯于文樓取置 官中時加省覽又尊崇聖道重建闕里 親製碑文遣輔臣往告其省察克治必自身始嘗曰吾人若不自家管束誰能管束纂 大明會典以成先志 命李東陽等脩歷代通鑑纂要以便士業晚歲得張元禎所進太極圖及性理諸書亟索觀覽且曰天生斯人以開朕使天假之



年 聖學未可量也

武宗賓天無嗣

世宗入繼 大統英明神武同符 太祖而銳精經術嚮  
意程朱爲治以敬天法祖知人安民爲務闡性道則敬  
一有箴五箴有註敦綱常則明倫有典明堂有問蓋心  
學淵源不特近紹 興獻家傳而直接危微精一之統  
矣嘗念 國家太平百餘年而禮文草創未應古始乃  
悉按三禮舊文摘抉疑義參以時制自 郊丘百神分  
合正配以及 陵廟丞嘗農蚕崇祀諸禮靡弗約會經  
典內斷于心以成一代制作之盛晚年 殿庭榜額悉  
取洪範無逸字義名之而 欽天記頌諸篇其所得于

尚書執中之旨尤多

穆宗脩嘉靖之政而享年不永傳至

今上皇帝于萬曆改元之初 親幸太學講說經義未幾  
改授提學 勅諭專以正文體端士習爲先務卽近科  
所取士詞意稍涉佛老怪僻大行革黜不少貸又 命  
國學重脩十三經註疏及二十一史以定士子之準繩  
故通年以來博士家言漸返先秦兩漢之舊我 皇上  
久道作人之功信不誣矣

續文獻通考

卷之一百九十八

三十七

一百九十八